



Tuhagakhaq

Nunavut Ublunga Ulapqipkaivikyuangit: Nakuuqpiagtumik Piyuq

Vaankuuvami, British Columbia (Fipyuali 23, 2010) – Tamna amihumik ihumagiyauyuq Nunavut Ublunga, Santimi, February 21^{mi} Vaankuuvami 2010 Ulapqipkaivikyuangit Ukiuqtaqtumi Ulapqitillutik, nakuuqpiagtuq.

“Maliktakhaptikni, *Tamapta/CLC*: *Piliuqtavut hivunikhaptivut atauttikut*, atauhiuyuq akhuuqtaptiknik hivulliutigiyakhavut naunaipkaigiami Nunavunmik, aatlatqiiktuq pitquhivut, atuinnaiaqaqhimayut ikayuutivut Kaanatamiutanut nunaryuaptiknullu ihumaalutigiyayunik,” uqaqtuq Hivuliqtiuyuq Eva Aariak. “Nunavut Ublunga Ulapqipkaivikyuangit nakuuqpiagtuq pulaaqtunut pulaariamikni nunaryuaptiknit ayuiriamikni nunaptiknik. Pipkaijtutigiyatlu inuulramiit katimayiuyut pigiamikni inmiknik ikayuutautikhamiknik naunaipkaitillugik ilihimayamiknik Nunavunmik,” uqaqtuq Aariak.

7 tausit inuit pulaaqtut Kaanatap Northern House-nganut Nunavut Ublungani. Atauttimut, avatqumayuq 1 hannat tausit inuit pulaaqtut talvunnga angmalihaaqmat January 15^{mi}, 2010. Qakugunnuaq amigaittut inuit pulaarniaqtut talvunnga inugiatqiyaunialiqtuq inuuyunit pingahuuyunit Kaanatamiutat avikturhimayunit atauttimuurumik.

Nunavut Ublunga Kaanatap Northern House-nga pipkaihimayuq uqaqtamiknik Hivuliqtiup Aariak unalu Iqaluit Miiyanga Elisapee Sheutiapik. Vaankuuva Ulapqipkaiyut Katimayiingit 2010mut Ulapqipkaivikyuangat unalu Timimitigut Ayurhautiaqtut Ukiuqtaqtumi Ulapqivingit (qablunaatitut naittumik VANOC) Atannguyarilluanguyuq John Furlong uqaqtamiknik.

Hilaup Aallanguqtirininnga Nunavunmi naunaipkainiqmik naunaipkaqtaat quviahuutigikhimaplugiklu pulaaqtut ilihimaliqtullu qanuqtut qiqiumalluaruknaiqtuq nunagiyaqut ayurhautipkailiqtuq inuknut nunaqaqtut Nunavunmi. Tamna naunaipkaijtut piqaqtuqlu qaffiuyunik unipkaanik piksasunuklu inuulramiinit Pangiqtuumiutauyunit.

Nunavutim Avatiliqiyikkut Ministaup Tugliata Simon Awa uqaqpaqtuqlu nattirhiurnikkut nunavunmi qanurlu ihariagiyaqpiagtuq inuinnait pitquhinginnut. Piksassuuqtipkaiyutlu naunaipkarhugit inuit akhuurutauyuq nattirhiurniq amingillu aanuraaliurhimayut tautuktipkaiplutik.

Umiktinnagu unnugaangat, unipkaaliuqti Michael Kusugak, Arctiq, break taansiqtut Kaiva, qarvaaqtut qilautikkullu numiktut inugiakpiaqtuni Victory Ceremony-mi BC Place-ngani.

Nunavut Ublunga pipkaijtutahimayuq Nunavut ikayuutaulirami havaqatigiikkamiklu VANOC-mut.

Kaanataup Northern House-nga ittuq hinaani Vaankuuvap uumani 602 West Hastings Street. Havaqatigiiktut Nunavunmit Nunatsiamitlu unalu Yukon Ulapqipkaivikyuangit.

###

Naunaittiarumaguvit, uqaqatigilugu:

Matthew Illaszewicz

Manager, Communications

Department of Economic Development & Transportation

Hivayautikkut (867) 222-0122

Qaritauyakkut: millaszewicz@gov.nu.ca